



29. april 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut Qaarsuni (Uummannaq) umiarsualiviliortoqarnissaa pilersaarutigaat?
2. Umiarsuarnik tulaffigineqarsinnaassappat usingiarfigalugu/usilersorfigalugulu qanoq isikkulimmik umiarsualiviliorsinnaanissaq takorloorneqarpa?
3. Umiarsualivik pioreersoq tallineqassava?
4. Umiarsualivimmik nutaamik sapusiamik (soorlu Qaanaammi) aaqqiisoqassava?
5. Umiarsualiviliortoqassappat qanoq aningaasatigut naleqassava?
6. Suut allat aamma eqqumaffissaappat umiarsualiviliortoqassappat?

(Inatsisartunut ilaasortaq Lars Poulsen, Siumut)

Tunngavilersuut:

Ilisimaneqartutuut Qaarsut nunaqarfik Uummannap sulluani suluusalinnut mittarfeqarfiuvoq, kiisalu aalisartoqarfiulluni. Ajoraluartumilli umiarsualiveqannginnerata aporfilersorpaa umiarsuarnik kiisalu angallatit nalinginnaasut naleqquttumik tulaffissaqartannginneq peqquataalluni annerusumik ineriartornermut aporfilersuilluni.

Umiarsualivittaarneratigut ineriartorneq, pingaartumik aalisarnikkut malunnaatilimmik siumut aallartitsisussaavoq, aammattaaq angallassisartut takornarialerisut eqaannerusumik immakkut angallanneq pilersussaalluni.

Aalisarnikkut ineriartorneq pissappat avammullu sukkannerusumik assartuussineq anguneqassappat Qaarsut umiarsualivittaartariaqarpoq. Assartuussineq eqaannerulersissallugu avaqqukkuminaappoq, minnerunngitsumik takornarialerisut angallassisartut ilanngullutik angallanneq eqaatsoq ingerlatilissagaluarmassuk.

Apeqqutigineqartut ullut suliffiusut qulit iluanni akeqquneqarput.